





~~C7887~~

4<sup>0</sup>

Ud 7040.



stdr0012418


Biblioteka Jagiellońska

Ad.: Ud 7040



- 1,
- 2, Discursus contemporaneus.
- 3, Considerationes monetales.
- 4, Kurze und gründliche Deduction
- 5, id. latine
- 6, Deductio rei monetalis
- 7, Discursus de re monetaria.
- 8, Epistola mercatoris.
- 9, Dowol sarney etc.
- 10, Uusung und flügel Lendruck.

CONSIDERATIONES  
MONETALES  
Circa  
Commissionem Monetariam  
Warsaviæ celebrandam probe  
expendendæ.



ANNO M. DC. LIX.



## *Considerationes Monetales,*

Circa Commissionem Monetariam Warsaviæ celebrandam probe expendendæ.

Anno M. DC. LIX.

**E**Xtat inter nuperrimorum Comitiorum Regni Constitutiones typis impressas una de remonetaria, ipsum principale negotium sanè differens ad Commissionem desuper instituendam, sed pariter præsupponens tanquam indubitata futuræ Commissionis determinationem, lucrum centum & quinquaginta milium florenorum Polonic: in Thesaurum Regni singulis annis inferendum, & amplius, si fieri possit. Quæ determinatio anceps videtur esse, nec ullo certo fundamento niti. Definiri enim nequit, quanta summa novæ monetæ quotannis in Officinis monetariis debeat fabricari, cum incertum sit, quantum argenti facti infective comportari præfinito annuo tempore; aut conquiri pro cudenda moneta possit, & multa soleant intervenire, quæ monetandi  
ratio.

rationem vel urgent, & accelerant, vel etiam inhihent, & remorantur. Unde colligitur, nullam certam monetandi ordinationem prædictæ determinationi accommodam excogitari aut constitui posse; daturq; locus conjecturæ, id fortassis intendi, ut Ordinatio quædam monetalis anno proxime præterito Arendatori certo concessa in effectum deducatur, cujus illa est determinatio, ut quatuor floreni cum dimidio pro lucro Thesauri in singulas Marcas argenti puri, ratione verò sumptuum monetarium, & lucri pro Arendatore, unus cum dimidio, duo cum dimidio, tres cum dimidio, etiam quatuor cū dimidio, floreni pro diversitate sortium, majorū vel minorū, computentur. Quod si verò istius ordinationis determinatio restringatur ad determinationem Constit: anni 1654. quæ tantum 4. florenos in singulas marcas Thesauo in lucrum attribuit, & deinde computentur in singulas marcas duo floreni ratione impensarum monetarium, non attenda sortium vel spe-  
ri



cierum diversitate, & Arendatori competentis  
lucri, inde sequentes exoriētur considerationes.

Ducta ratione, ut Marca argenti puri 24.  
florenis æstimetur, iisq; addantur floreni qua-  
tuor lucri pro Rep. percipiendi, deniq; flo-  
reni duo, tam ratione damni, quod fiet in con-  
flatione metallorum, quam mercedis opera-  
rum monetarum, & lucri, quod conductor vel  
Arendator justè prætere videri possit, pro-  
ut species vel majores vel minores cudentur,  
apparebit, Marcam argenti puri ad æstimatio-  
nem florenorum triginta pertingere. Unde con-  
fiscitur lucrum monetale floren. 25. in Centum,  
ultra valorem Thaleri Imperialis, unusquisq;  
autem in singulis Centum florenis, quos nunc  
habet, damnum faciet florenorum 20.

Omittamus, quod fortasse nec in eo rescon-  
sistet, si enim arenda seu conductionis mer-  
ces nimis intendatur, ut solet fieri ob æmulatio-  
nem licitantium, recurretur haud dubiè ad cō-  
suetum, quod Magistri monetales indigitant,  
Reme.

Remedium, ex quo anterioribus temporibus  
quidā privati ingens emolumentū perceperūt.

Et quando quidem nondum apparet, unde  
existere queat tanta argenti crudi copia mo-  
netæ novæ impendenda, neq; fodinæ Regni  
valde multum suppedirent, necessariò devenie-  
tur ad conflationem Thalerorum, ortho-  
num, & minutiorum fortassis specierum, nunc  
usitatarum, ut saltem quacunq; ratione lucrum  
25 florenorum ex Centum conficiatur.

Inevitabiliter autem inde eveniet, ut quæ  
nunc est bonæ notæ moneta, vel intercipiatur  
paulatim, vel si qua talis superfutura est, illius  
valor eousq; augeatur, donec novæ monetae  
conformis fiat. Satis enim abunde docuit ex-  
perientia, quoties aliquid decesfit interiori boni-  
tati monetae minutioris, Thaleri valorem neces-  
sario fuisse adauctum, donec verum precium mi-  
nutioris monetae assequeretur. Ante complu-  
res annos, cum Thalerus pro duobus florenis  
cum dimidio expendebatur, in magna copia cu-  
deban.



debantur petiæ illæ, quarum valor est grossus cum dimidio, vulgò Pultoraki dictæ; confestim Thalerus ad valorem trium florenorū adscendit & in eo valore constitit, quod iusta ferè proportio veri precij inter Thalerum & petias illas deprehensa & ab ulteriori percussione monetæ fuit cessatum.

Quod si tunc Resp. porrò perrexisset & cudere monetam, & intrinsecam bonitatem sortium minutarum ad 15. gross. in singulos Thaleros diminueret, necesse fuisset, valorem Thalerorum proportionem ducta semper excrecere, prout quondam in Germania, in qua per has rationes ac modos Thalerum tandem quibusdam in locis pro 24 floren: expensum fuisse meminimus.

Ex supra adductis quilibet prudens facile animadvertet, quia quisq; in singulis centum florenis, quos in bonis habet, 20 floren: damnum faciet, quod quicunq; sortem suam capitale ob exiguum aliquod lucrum repetitis vicibus expendet, loco emolumenti, quod sperabat, lapsu quinquennij,

quennij, insensibiliter omnibus suis copijs privabitur. Neq; poterit aliter evenire, quando nova moneta supra dicto modo in sua bonitate intrinseca divulgabitur, quin Marca argenti puri 28. imò 30 floren. veneat, Thalerus ad florenos 3. cum 20. grossis & ultra, moderni orthones ad grossos 22: 23. Leonini ad floren 3. & amplius, cæteræ porrò species, juxta proportionem, valorem suum extendant. Si tunc tali precio argenti & pristinarū specierum constituto ulterius incudenda moneta pergatur, proposito illo 25 ultra centum lucrandi semper continuato, jactura existet adhuc magis exitiosa, cujus exemplum planè deplorandum olim Germania præbuit.

Universale hoc damnum, quod inde consequetur, plus calamitatis haud dubiè inferet, quam ipsum bellum, Quod fiet manifestius, si circa hanc materiam aliæ porrò circumstantiæ probè perpendantur, quæ tam lucrum cessans, quàm damnum emergens particularius & magis in specie determinant.

Re



Re monetali juxta præsuppositam ordinationem constituta, tam ipsa Respub: quàm in ea singuli, à supremo Reipublicæ Capite ad infimum subditum computando, ex redditibus, proventibus accensibus suis, quintam partem, toties quoties eos percipient, deperiisse sentient. Sac. Regiæ. Mtis. Dni. Nri. Clementis. arendæ aliq; proventus tam notabili diminutioni erunt obnoxij, tum verò Procerum quoq; redditus, & Nobilium, cæterorumq; omnium, quotquot in tam vasto Reipublicæ complexu ejus aliquam partem faciunt. Quoniam enim omnes publici privatiq; proventus ac census ad rationem florenorum Polonicorum, quorum singulorum valor est 30. grossi definiti ac determinati sunt, bonitate interiori monetæ modo supra deducto imminuta, quicunq; hactenus mille florenos percepit, verè & realiter in justa argenti æstimatione non nisi octingentos percipiet, in posterum etiam longè minus, juxta præmissa.

Qui

Quilibet Nobilis, civis etc: qui bonis, prædijs, fundis terrestribus vel civilibus pecunias suas inscribi curarunt, vel manualibus obligationibus seu chirographis contenti mutuò dederunt, quia inscriptiones & obligationes ad florenos Polonicos vel Marcas Polonicas aut Prutenicas ut plurimum restringuntur, loco 5. 6. 7. aut 8. florenorum interesse, quod ex singulis centum sperabant, florenos viginti ex Centenis ipsius sortis principalis amittent, nempe qui mille mutuò dederat, verè non recipiet nisi octingentos. Item illi quando credent sibi pro singulis frumenti lastis persolvi florenos 125. in ipsa reiverritate non percipient nisi centum.

E contra expensæ omnes quarta parte auctiores amplioresq; fient, quàm nunc sunt.

Quod ipsa quoq; Resp. notabiliter sentiet, emendo pulverem tormentarium, bombardas, tormenta, arma, cuprum &c, quæ quarta parte carius vendentur quàm antea.

Aliorum generum mercium, quibus com-

B

mu-



munis vita indiget, ut pannorum, serici, aromatum &c. eadem futura est ratio.

Quas cum exteri mercatores plerumq; advehunt, æstimationem ac pretium earum in aureis Ungaricalibus vel Thaleris, non in florenis Polonicalibus, determinare ac defigere, uti in certo ac ferè immoto quodam monetali pede, consueverunt.

Cambiorum quoq; sumptus, occasione illius novæ monetæ, valdè augebuntur, & quia pro plerisq; exoticis mercibus, non in parata pecuniâ, sed Cambijs mediantibus, solutio fieri solet, mercatores id onus, quod ex Cambiorum aggravatione sentient, ipsis rursus mercibus imponent. Atque inde intendentur rerum caritates. Ponatur modò Cambium ex Hollandia esse grosso: 220. post novam monetam introductam ad grossos 270. &c. ultra excrescet. Unde fortassis Coronatus Gallicus valorem 5. florenorum assequetur.

Hanc jacturam præcipuè sentient, qui per  
Bel.

Belgium, Galliam, Italiam & Hispaniam peregrinabuntur, sumptibus Cambiorum cum illis sumptibus, quos apud exteros alioquin expendere necesse habebunt, penè exæquandis.

Salaria eorum, qui in famulatu sunt, augeri quoq; necesse erit, moneta ad quintam partem depreciata. Nec miles stipendio usitato erit contentus, integro enim floreno novæ monetæ non plus efficiet, quam nunc grossis 24.

Si probè ista omnia trutinantes ob oculos nobis ponamus tot centena hominum millia in Regno & annexis Provinciis, qui de exiguo facultatum suarum residuo, quod ipsis bellum reliquit, periclitantur, & inter quos innumeræ erunt viduæ & orphani; Tantum deinde decrementum reddituum publicorum, incrementum verò expensarum sumptuumq; facile patefcet, quam adversus tot ac talia damna exiguum planè & leve momentum futurum sit in illo lucro quatuor florenorum in singulas argenti puri marcas. Si rectè calculum ponas,  
lucri



lucri ad damnum ferè talis deprehendetur proportio, qualis est unius ad decem.

Probè autem & ante omnia considerandum venit, quod reperientur in exteris regionibus homines callidi, sagaces, & ad captanda lucra prompti, qui potissimam emolumentorum partem ex illa monetæ deterioratione sperabunt, & haud dubiè assequuntur. Riga in vicinia Lithvaniæ sita est, atq; inde cum Lithvanis pacatis temporibus frequentantur commercia. Compertum est annis superioribus, monetam Suecicam ibi cusam, Lithvaniam & vicinas Regni partes inundasse, non sine memorabili damno. Quid in posterum fiet, quando Rigæ quoq; ad illam ligam, quam præsupposita determinatio præmonstrat, moneta Suecica cudetur? Quibus mediis ejus distributioni obviabitur? In aliis regionibus non ita vicinis plurimi hanc occasionem arripient, ingentem quæstum faciendi. Quantum superioribus annis lucrati sunt Exotici quidam invehendo Leoninos

minos, & Florenales petias tanta copiam? Quam cladem ac calamitatem publicè privatimq; adhuc sentimus.

Id nunc magis metuendum est, ne alibi moneta nova Polonica cudatur ad eandem formam, ligamq; similem, cujus invectionem terra mariq; si per pacem commerciis suus vigor pristinus aliquando redeat, universaliter atq; accuratè prohibere impossibile erit: nec commoda excogitari poterit ratio, Polonicam monetam ab ea, quæ uniformiter alibi locorum cusa est, signo aliquo peculiari distinguendi. Non illum vanum esse metum, priorum temporum documenta satis demonstrant.

Cum pridem in Hispania, postea in Gallia cuprei nummi invalescerent, notum est, alibi locorum immensam quantitatem talis monetæ fabricatam, & quamplurimis laetis cum incredibili quæstu in illa Regna fuisse invectam. Cum ante hos quadraginta annos circiter, sub regimine D. Sigism. III. cuderentur sesquigrosfi (Pul-



toraki) non adeò pravi, quod lucrum in Centum florenos non foret nisi florenorum octo; reperti tamen sunt inter gentes exoticas, qui eos ad eandem ligam & speciem effigiatos copiose Regno inveherent.

Adhuc supersunt fide digni, qui tempore suarum peregrinationum, in celebri quadam Urbe, familiariter deducente amico, in ædium quarundam recessu, aliquot tonnas hujusmodi sesquigrossis Polonicis plenas suis oculis viderunt. Cui rei aut usui, nisi ut per Poloniam distribuerentur?

Quid nunc sperandum est, quando ex 100 florenis non 8. sed 25. florenorum lucrum & amplius sese ostendet? Quod si permutatio monetæ cum Regni mercibus quater in anno ab extraneis instituat, quod fortassis tempore pacis non erit difficile, duplicatam sentient sortem suam isti lucripetæ, exiguo tempore. At qui iidem illi incommoda lucri cesantis & damni emergentis supra deducta non sentient, adeò

deò, si quid emolumenti expectari poterit ex nova moneta, ejus potissima pars in exoticorum sinum delabatur: damna verò & jacturæ in solam Rempub. & ejus cives, cujuscunq; ordinis, reclinabuntur.

Addendum his, quod propter commerciantes Civitates, & imprimis propter Gedanum, etiam si absq; illis foret, quæ supra deducta sunt, istiusmodi mutatio ac deterioratio monetæ introduci ac recipi non poterit, nisi eam Civitatem bene de Regibus suis & Repub: meritam, funditus pessum ire velimus, quod evenire non potest sine Terrarum Prussiæ, imò inclytæ universæ Reipublicæ summa pernicië. Porro satis constat, Prutenos Regibus Poloniæ immediatè subiectos, pristinis temporibus, propria ac vernacula moneta fuisse usos, omni alia, imprimis damnifica, exclusa.


Tempore Crucigerorum, & deinceps post Incorporationem, plurimi in Prussia conventus celebrati sunt super eo, an intrinseca monetæ bonitas



tas ad unum vel alterum denarium in Marca pura esset diminuenda, & non nisi ægrè & post varias ac graves consultationes, in tam leve præjudicium Status & Ordines consenserunt. De quo ex vetustis memorijs constat,

Postremo meminisse oportet, in computatione lucri cessantis, & damni emergentis, aliorumq; incommodorum supra deductorum, præsupponi viginti quinque florenos lucri monetalis in Centum, ultra verum premium Thaleri, quam determinationem in solis Orthoni- bus Ordinatio Arendatori anno proximè præterito concessa constituit: at vero in sortibus minutioribus eadem Ordinatio maius adhuc lucrum determinat. Nempe in speciebus sex grossorum, florenos viginti novem cum quinque grossis in Centum: in grossis triplicibus, florenos triginta tres cum decem grossis in centum: In sesqui grossis vero, & grossis simplicibus, juxta eandem ordinationem, lucrum monetale ultra verum Thaleri valorem ascendit ad florenos triginta septem cum dimidio in Centum. Unde calculo instituto cuius facile erit juxta præmissa supputare lucrum cessans & damnum emergens, quæ, ut & alia incommoda, longe graviora existet, ex sortibus istis minutioribus, quàm quæ in his considerationibus lucro tantum 25. florenorum in Centum præsupposito demonstrata sunt.







Hist. Polon.  
a, general.



